

乾隆烏程縣志

序

甘泉羅先生素心以臬
大雅之才出宰烏程其為
治本於儒術塗駁里譚
翕然號稱神君既久於
職送客究宣廢墜畢舉
尤且志乘闕政典窮鉅而

烏程望邑也山水清遠代
鍾英詰遺聞肅事煥衍
緹組躬蒞斯土而聽正敷
發異時淑文獻者將何
從焉康熙初高令必瞻嘗
一至備迄今六十餘載弱
有闕攷失是慰爰迺銳志

踵緝敬求作者素聞吾
友杭君堇浦張君南漪學
識淵邃謁呂筆削之任二
子採摭今古錯綜彙括屬
稿期月勒成完書復任
邑人張君剡雲校閱丁過
勘定而後授梓蓋先生之

用心斯已勤矣惟先生以文
雅飾吏治仁風惠露周
渙若雪而又能於簿領之
暇其一時後流考索掌故
點諸方來以覲營目前之務
而忘手載之功者豈不遠
哉既錄屬家兄瑤圃寓

京師乞余序先生為家
尊同年友余向所慕效今
徧覽是書既歎先生十五
年治績爛然雖追配昔賢
無愧又深幸得吾良友為
摩討述以共成此不朽之
鴻業也遂樂得而序之

乾隆丙寅春正月望日

進士出身翰林院編脩克

英殿纂脩官治年眷姪孫廷

槐頻首撰

烏程縣志序

吳興屬邑凡七烏程家爲古
縣蠶桑菱鰾之利甲於水
鄉秀民畸士頂背相望遺
文軼事苗兩難盡江都羅
子來令此邑凡十五年歲矣
以溥深篤懋不恃凡案之才

而以儒術為化故其任為家久
而其治為家純興廢舉墜
漸次就理慨然念前志之荒
略又廢而不續者踰六十載
余適里居請事編削石友
張君南游穿穴全史負一代
著作之才商榷體例因羅

失閱歲始克卒業又得邑
人張君刻露章加霞審多所
匡贊嗚呼錄之太史藏之柱
下傳世久遠則藉公之實心
實政以持之至於文字之後
則宋景文所謂事增於前
而文減於昔者吾兩人可無

愧色矣緝綴既訖例有存亡
遂誌顛末以紀歲月

乾隆十年歲在己丑涂月朔
蕭史仁和抗世駭撰

湖郡自典午以後名招宦游高流棲
託攷覽前簡代有作述今所傳吳興
統紀雜錄掌故若紀諸編雖或存或
逸文獻猶自可徵而烏程為附郡首
邑明之前未有專志其後張翬踵緝
遂為藍本我

朝高君必騰增脩尚隨前規今又六十
餘年矣山川城邑如故而風教移易
日新為盛恭逢

聖天子仁經義緯大化翔洽是邦亦在涵
濡樂育之中人文彬蔚妙盡國華民
物昇成苛慝不作昔之為理者優游
治化之原棲遲道藝之域然則政有
餘閒舉舊章羅放失非今日事與余
自辛亥下車以來更考績者五恪居
官次庶竭駘幸獲民安其政後容
休息因於共職之餘載緝是志時則
商張君南漪為之屬稿甄綜考正贊

萃成帙又屬邑儒張君冠霞點校而
後質之杭編脩望浦研核精裁乃始
鋟木分三十門十有六卷增演前志
旁通允愜功既竣不揣愚管為識緣
起繼自今官茲土者監或憲咨民瘼
縱橫文雅考鏡得失或於是書有所
裨補斯則余之夙志也夫

乾隆十有一年仲春穀旦甘泉羅懷
書

纂修姓氏

文林郎知烏程縣事甘泉羅 倅主修

召試博學鴻詞前翰林院編修仁和杭世駿鑒定

副榜貢生仁和 張 燾編輯

副榜貢生烏程 張朝綱校緝

烏程縣志目錄

卷一

星土

建置

形勝

疆域

城池

廨宇

學校

武備

卷二

山川

卷三

古蹟

卷四

職官

選舉

卷五

名宦

人物
漢至元止

卷六

人物
明

卷七

人物
本朝方技附

寓賢

釋老

卷八

列女

卷九

祠祀

寺觀

卷十

陵墓

鄉鎮
坊巷附

卷十一

津梁

水利

卷十二

戶口

田賦

卷十三

風俗

物產

卷十四

經籍

附碑版

卷十五

藝文

卷十六

雜記

凡例

一舊志輯於康熙十九年大抵全襲崇正劉志略爲增改未稱詳
賅今又六十餘年矣予不敏妄思踵繼更易門類別其體裁徧
考史傳地志文集家乘沿流討源務求根據舊鈔祕冊多方蒐
羅匪足云詳備也不敢蹈襲舊志而已至其紕漏尙俟後賢
古人著書必詳所出如裴松之注三國志劉孝標注世說新語
及太平御覽諸書皆是今內廷纂修亦用此例長水朱錫
鬯輯日下舊聞因之且曰不敢攘善予竊取斯義臚列書目觀
者幸勿以抄撮誚之

一歸安鄭餘慶輯湖錄一書考索二十餘年號稱詳核新府志用
爲藍本胡太守歸里携此書去而鄭氏無副藁今從涇縣索得
殘本一冊其中多明人列傳因備採之至別門有引用者則從
府志所注

一志乘所引詩文類用小字頗非古法今改爲大字旣便省覽亦便標注

一詩文循目下舊問之例因事附見頗覺醒目其有無所係屬者別立藝文一門

一現在名人詩文難以棄取且限於卷帙槩不登載

一舊志山川古蹟題詠寥寥所引又多近人之作今詳採別集非獨資遊覽者諷詠亦以蒼萃風雅

一山川古蹟依府志類叙其詮次山川以遠近古蹟以先後祠祀寺觀等從山川例陵墓經籍等從古蹟例

一舊志不立名宦雜見官師志中而人物則又次第科目各級數語於下未免涇渭不分且非立傳表揚之意今準省志立職官選舉二門其有傳者爲名宦人物

一人物先据正史正史不見乃及他書其用府縣志不得已也

一凡史傳及諸書所言吳興人若隋之沈光等未知果係何邑不復混載又如舊志所載之錢延慶乃長城人見宋書孫棘傳新府志所載之聞人爽邱仲起賈若槩云烏程人考邱仲起見南齊書沈憲傳憲武康人而傳云同郡邱仲起未必卽烏程也聞人爽見晉書劉牢之傳但云吳興不言何邑費若湖錄云長興人且云隱歸安射村此等豈可妄改關入乎今皆不存

一志之爲體記美而不記惡王韶之事晉恭帝躬與弑逆乃賈充成濟之流而歷來舊志載於人物可哂也去之以彰公道他若奸相奄黨輩此

一人物每傳必云烏程人者語出原文示有確据也惟引用本邑志則省之

一舊志新府志於科目外別詳例仕掾仕及封廢亦屬僅見然相沿如此今第仍之惟不載廢冑非薄任子亦以有建立者自當

列名人物斯固不足以重之也

一節烈自當以已旌者為主然先時坊表頗艱貧弱卑微安能上達故舊志所載大半多未旌者而新府志于現在候旌者悉書之今因仍兩志于本朝烈女序已旌者於前而附未旌者於後

一舊志田賦所載款項皆係舊額今統歸一條鞭徵解舊款詳載賦役全書茲据現行科則略具源流其一切名目概不登載課稅鹽法準此

一前史經籍志與藝文志一也而輿地之書或有分爲二者舊志不立今準新府志立之亦使無傳可見者尙不沒其著述云
一自來志乘有雜記一門或曰外紀新府志曰舊聞其例一也然所載多艷異游戲之事文不足徵今槩從芟削惟取有關掌故而別無門可歸者錄之亦寓謹嚴之意

一舊志有曰封爵曰官廩本邑實無幾人難以立傳今統歸雜記
一新府志有祥異門皆六州邑公共語今取切本邑者略具數則
改入雜記

一劉志標曰瑣碎不勝其繁如疆域道里一也均平均徭一也而
分爲二壇祀廟祀既分而又別列城隍廟兵防民壯兵餉可合
一門而三分之高志雖芟去數名統以方輿治字八志而仍舊
觀綏今總立三十門而餘以其類附

程縣志圖目

縣境圖


城垣圖

縣署圖

學宮圖

育嬰堂圖

東北至漢源縣界



東南至安陽縣界


湖太


西北至長安界


卷之三


圖


二



















古剎堂圖





烏程縣志卷之一

星土

自昔封域皆有分星鄭康成云其書已亡堪輿雖有郡國所入度非古數也其存可言者十二次之分而已烏程地交吳越上當星紀之次明萬歷丁丑秋彗見牛女分其尾掃斗占者謂吳越當有水踰年水果應而烏程特甚此其徵也然象緯微茫難以縷析稽之衆說粗舉大凡云爾志

星土第一

星紀斗牽牛也

爾雅

星紀吳越也

周禮注

自斗十一度至婺女七度曰星紀吳越分野

帝王世紀

斗四度三十六分六十六秒外入吳越分星紀之次

元史天文志

湖州斗二度

康熙浙江通志

斗二十一度烏程歸安二縣入六分之三

內緯祕言

古星經云論分野于震澤具區間在辰曰正次斗星已對斗牛
女州曰揚國曰吳越郡曰會稽丹陽烏程南屬會稽北屬丹陽會
稽屬越丹陽屬吳介在吳越而會稽入牛一度丹陽屬斗十六度
是烏程分野在斗牛之間

崇正烏程縣志

建置

湖郡屬城一州六邑其地大半分自烏程後雖境土歷新而烏程之名迄今不改蓋兆基虞劉開藩孫氏嗣此常居節下鬱為大都有明縣令趙煥顏其署曰吳興古治馬思理建表題曰吳興首縣允矣間嘗采獲前簡叙歷因革後之君子可以覽觀焉志建置第二

烏程縣禹貢揚州之域

太平寰宇記

春秋吳地後屬越越為楚滅屬楚

十道志

楚為菰城印存申君邑

方輿勝覽

秦始皇二十六年置會稽郡改菰城為烏程縣隸會稽

吳興記

秦置烏程縣介于會稽故障二郡之間

清類天文分野之書

秦時烏巾程林以釀美酒縣因得名

吳興雜錄

漢屬會稽郡

輿地廣記

漢高祖六年屬荊國十二年屬吳國景帝四年屬江都元狩二年復屬會稽

成化湖州府志

會稽郡縣二十六烏程

漢書地理志

後漢屬吳郡

通典

永建四年分會稽爲吳郡

後漢書順帝本紀

吳郡十三城烏程

續漢書郡國志

興平二年太守許貢奏分縣爲永安縣

郡國志注

晉以平陽已有永安改此爲武康

通典

三國時爲侯國孫皓居焉皓卽位置吳興郡自是始爲郡治所

成化

湖州府志

永興元年十月封烏程侯

三國志孫皓傳

寶鼎元年十月分吳丹陽爲吳興郡

三國志吳書

吳郡治烏程

吳書注

晉宋齊因之 通典

吳興郡統縣十一烏程 晉書地理志

吳興太守領縣十烏程 宋書州郡志

揚州吳興郡烏程 齊書州郡志

晉析其西鄉爲長城東鄉爲東遷 宋治湖州府志

東遷武帝太康三年分烏程立廢帝元徽四年更名東安順帝

昇明元年復 宋書州郡志

梁置震州治烏程 唐書地理志

震州王僧辨置 讀史方輿紀要

陳爲吳興郡隋平陳郡廢 元和郡縣志

隋平陳東遷廢入烏程屬蘇州 方輿紀要

仁壽二年烏程復屬湖州 清類天文分野之書

大業初以縣屬吳郡 通鑑注

吳郡統縣五烏程

隋書地理志

唐武德四年平李子通置湖州領烏程一縣六年沒於輔公祐七

年平復置治烏程

舊唐書地理志

湖州吳興郡縣五烏程

新唐書地理志

天寶元年改吳興郡乾元元年復爲湖州

太平寰宇記

大歷十二年二月二十一日新陞望

唐會要

烏程舊緊今望

石柱記

梁唐晉漢烏程屬吳越忠國軍

崇正烏程縣志

吳越湖州領縣烏程

十國春秋

周升爲宣德軍

文獻通考

宋景祐元年改昭慶治烏程太平興國七年析置歸安

元豐九域志

湖州寶慶元年改安吉州縣六烏程望

宋史地理志

元屬南臺江浙行省湖州路總管府至元十四年以郭內二鎮以

置錄事司而縣所轄城外十二鄉五十三都一鎮至正十六年
張士誠據湖州改爲吳興郡廢錄事司以二廂復入縣轄

崇正
烏程

湖州路領縣五烏程上

元史地理志

明洪武丙午改爲湖州府以烏程爲首縣

國朝順治二年乙酉六月安定湖州縣名因之

康熙烏程縣志

形勝

集地靈者憑周衛之阻深辨方志者述清都之閒麗烏程帶郡為縣吳越錢氏時稱北面重鎮自宋以來雖與歸安分治而重岩巨浸多在境中昔賢載筆以識其傳為南國奧壤浙右名區洵不誣也志形勝第三

烏程疊嶂右環太湖後枕納歸安千嶽中雄吳興之望首

吳興志

烏程五溪迎碧萬疇開青坡公賦峴山之句司馬有嘉郡之稱

吳興志

浙江志

弁嶽遙連天目太湖上應咸池道峯領疊嶂而羅蒼蒼水會諸溪

而環碧

烏程包圍震澤雄蓋吳會

程鄒復清塘隄岸記

蒼峯北峙羣山西迤龍騰獸舞雲蒸霞起雙溪夾流曲折委蛇東為碕灣灘為湖陂泓渟皎澈百尺無泥貫乎城中東注具區山川

映發沖和攸集星列平斗野勢雄乎吳越趙孟頫吳興賦

蒼雲二溪源自天目分貫城中交流蜿蜒達於震澤四山環拱光

景晦明故昔人以水晶宮稱之范公集溪光亭記

蟹川平波漫流羣山秀氣可掬城中二溪橫貫此天下所無也倪思

經鉅堂記

城內觸處見山觸處可以引溪流雖近市如雲巖江村嘉泰吳興志

天目分秀雙溪合流金盞諸峯峙其陽蒼弁具區亘其陰宇文公諒湖州

府治記

寬陽寂寞震澤之墟俯蒼霄之漣漪仰昆弁之鬱紆山青林蒼掩

映太虛蘇伯衡雲林小隱辭

疆域

談志作於嘉泰中時烏程已析歸安其所載縣境廣輪之數皆與今同特南北小異耳夫綺紵繡錯形無正方而四隈八維界有一定今據現在地分列其區域而水陸道里遠近附著之志疆域第四

東西廣一百八里南北袤八十一里

談志一百二十七里

東至江南蘇州府震澤縣界七十二里以南潯鎮爲界

西至長興縣界三十五里以水濱中分爲界

南至歸安縣界六十三里以橫溪水中分爲界

北至江南蘇州府吳縣太湖水面界三十八里以小雷山爲界

談志

云至平江府吳江縣界六十七里以太湖水爲界勢志云北至太湖口一十八里

東南至歸安縣一里以小市巷爲界

西南至歸安縣界五十里以呂村爲界

東北至震澤縣界六十里以誼澤浦中分爲界

西北至長興縣界二十里以下山村爲界

陸路三東出小市巷入歸安縣界卽出迎春門運塘路西北出迎禧門入長興縣界卽青塘路南出安定門入歸安縣施渚鎮界

水路五東由胥溪接運河入歸安縣界西出清源門入長興縣界南出安定門入德清縣界北出臨湖門至太湖西出迎禧門入長興縣界

南至浙江省城一百八十里北至京師三千七百里至江南省城四百八十里

城池

重門結隅深溝襲險所以反距而乘安經邑之常制也吳興舊名紫金城又名極樂城豈不以程功精堅永無阨陟東阨周固常保又寧歟然當寶鼎之宏規初起菰城之遺跡已虛則今日倚郭以居者必有緣始惜乎世遠事湮不可得而考索矣志城池第五

烏程爲附郭首邑分轄郡城之半起自西門至東北之秤鍾潭爲界高二丈六尺濶二丈五尺門有四西曰清源水門一今止通苕溪陸有甌城門二重北曰奉勝俗名玉水陸共一門上有樓東北曰臨湖水門三出苕溪大流入太湖陸有甌城門上有樓西北曰迎禧止有陸門一曰青塘門俗名青銅其南之定安門東之迎春門屬歸安康熙烏程縣志

唐武德四年趙郡王李孝恭以子城湫隘築羅城周二十四里東

西十里南北十四里外沿城鑿濠萬歷湖州府志

景福二年刺史李師悅重加版幹宋紹興三十一年知州事陳之茂修元末丁酉年僞周平章潘原明以舊城寬而不固乃築小之周十三里一百三十八步復建樓櫓於上成化湖州府志

寄紀潘原明併省處在西門外直抵大溪入清塘一路尖地三面倚大溪惟西多陸守者尤須加意

宇文公諒吳興郡修城記略浙以西擅富強自唐更五季至宋南渡而吳興去行都最近諸王公鐘鳴鼎食邸第相望舟車往來烟火相接故郡城萃起於汀洲浦溆之上其版築之功最爲堅完旁郡有所未逮至正十六年吳陵潘公自平江督師時苗軍所在肆暴而吳興尤甚公於是年夏四月十有九日統兵入城清盜苗頑宣布德澤旣撫按其民人卽經構其城郭乃以是年冬十有一月之八日審機相度有事版築部事吳陵張瑛掾史袁孟熙從公宣力樹旗定方萬夫畢集

甫四視朔土功告完城啟五門聿嚴啓開南曰定安示永奠
輯其民也西曰清源示蒼霅水之攸分也西北曰迎禧示遙
拱之意也北曰臨湖示水之所由來也仍建四水柵南受餘
不溪西受蒼水北受霅水其東則爲運河此吳興金城湯池
極爲險固也已城市畢工而寇卒至公卽擐甲登城身當矢
石寇皆崩奔十喪五六後一再來悉殞城下於是官吏軍民
舉言曰向非公銳意築城則一郡生聚皆爲寇所魚肉矣吳
興守臣袁公政績使來乞銘乃爲之銘曰天目之山作鎮於
秦鍾英毓才世用攸賴才英伊何是惟潘公氣捍海潮胸吞
雲夢凌風六湖大江飛渡鐵馬金戈百靈斯助遂填吳興撫
按遺黎民久不燬公來復炊間巷燔撤公來復屋市久不貿
公來復續農鄰於野待公復耕士輟於室待公復生惟天設
險必依城府乃新版築乃建樓櫓萬杵相和楨幹孔堅百雉

林立其高隱天民有城郭如魚有水封禺之山封禺之里公活其民民懷不忘播之聲詩更久益臧

萬歷湖州府志

饒介吳興郡城迎禧門記略大周受命於天左丞潘公既克吳興而分鎮之天佑三年冬十一月十九日築城明年春二月城成開迎禧門作樓其上高敞宏麗控帶山水爲邦壯觀實監內工事董其役郡民來屑咸熙熙然而樂曰不逾月而大功克完皆我左轄公與元帥嚴公之經制籌略也不可以不記於是乎書以詒來者四年三月三日攝守饒介爲文

紀

嘉靖三十二年烏程知縣張冕築清源門之甕門知府徐洛乃徧與修治樓櫓雉堞三十五年知府李敏德增築敵臺於外又圭其女堵築小舍亭屋以便守者

萬歷湖州府志

張冕修城記嘉靖三十二年夏倭寇犯南直隸時浙西未邇其患而於鄰之震可慮也湖州城垣卑且壞予急欲修增而

高之唐一菴先生與諸縉紳并好義之民咸樂助成各捐銀米以贊于工而烏程之城遂得葺而固增而高焉繼而太守徐公蒞任併歸安之城修高亦如之乙卯春正月寇果犯湖境民恃以無恐則諸縉紳義民倡義之功烏可以無紀也爲是立石以紀之

崇正烏程縣志

徐獻忠增建郡城碑略吳興城建自東晉不數里而遙至唐李師悅以平黃巢功陞郡爲忠國軍而建節于此始擴其城元季用兵僞吳築而小之卽今制也歲久頽敝前太守徐公僅飾女牆補穿塌而已歲丙辰潞安李公下車立大箭臺七座單臺四十一座其南北水關舊設三門而單薄頽甚乃增厚城面一丈六尺腳厚一丈八尺城身加高五尺兩旁各設箭臺丁巳八月落成

乾隆湖州府志

顧應祥臨湖門修城記略臨湖門在郡治東北距太湖一舍

而近故謂之臨湖潞南李侯來握郡章首閱城池圖所以爲
增築之計量物度費經略已定而貳守羅陽劉君通守雲谷
左君竹湖蔡君作齋楊君推守會川吳君協謀僉同乃集境
內士民之好義而有心計者給以官價授之成算分董其役
肇工於嘉靖丙辰十月明年八月就緒下廣丈有八尺上廣
殺二尺增高五尺長三十三丈爲瞭臺二左右相望計費白
金二千二百四十兩有奇工皆取諸募而弗役於民於是卑
者以高薄者以厚巍然爲一方壯觀矣

崇雅堂集

閔如霖南門修城記略湖州知府潞南李公之來旣逾月理
甚無事登城周望曰嗟乎湖之爲郡山川闊闊清遠殷賑而
其城若此弗稱吾其可以已乎乃召其僚屬而謀之鳩工庀
材增高培薄創築箭臺五十有二其南北水門庳而圯南愛
百川之滙舳舨往來尤爲要衝公檄歸安知縣李子任其北

烏程知縣蔣子任其南蔣子奉公區畫朝夕匪懈夾城而隄
厚以百車涸其深淵化爲平陸乃下巨木以負貞石洞開三
門厚加於舊尋有四尺高加三尺上建二亭凡用金三千五
百有奇而公實捐俸以助之工肇於嘉靖丙辰十月二十日
迄於戊午三月二十日乃鑿二石於亭中屬予記其事公諱
敏德同知劉君鳳通判左君文麟蔡君芝楊君睿推官吳君
朝儀蔣子宏德李子從教凡有事於茲役法當書者列於右
亭之石

萬歷湖州府志

張羽吳興南門懷古詩郭門南而似襄州野樹寒山對倚樓
公子城空無食客霸王宅外有荒邱夕陽冉冉仍西下秋水
茫茫共北流只是今時已惆悵不應更爲昔人愁

歸居集

清源門外舊有戰河三爲居民所塞萬歷三十二年署縣事同知
吳從誠開通崇正八年奉勝門傾三丈知縣王夢鼎修治十年江

北有流寇以奉勝門居要地知縣劉沂春復建重城

崇正烏程縣志

本朝順治十五年增高併堵雍正五年巡撫李衛委知府唐紹祖督修

屏宇

合驛有嬰堂
義濟院附

賦政臨民必有聽理之所
貧退食亦有清晏之居
堂廡軒楹內外式序前人
裁基後人準而經處焉有
舉無廢斯亦文子所云職
事不慢者也程邑官舍自
唐以來營葺可考而郡丞
移駐烏戍實始有明既事
關治典且在縣境爰詳具
顛末附於篇志屏宇第六

縣治舊在子城內晉義熙間遷於郡治西一里廳事唐時建乾寧

三年縣令俞蟾修

成化湖州府志

楊夔烏程縣重建屏宇記
丹陽俞公蟾再尹烏程降車之春
周視縣署門傾軋敝牆圯廡傾於是節冗費資贖金僦力於
農休徵工以厚賞不明年而架宇鼎新若換大門中門修大
廳小廳東西門新押司錄事院建人吏祇候房砌縣之外城
凡百餘雉窺宅之周垣近一百堵修眾僚之宅五造廳庫之

橋六疏西亭之汙池制公廳之什器有遺罔不增構其尤赫赫者如每歲徵賦主胥類於廳之西廡以其輸賦駢湊滿逸是虞乃增廡一楹構欄以限其內外俾永絕罔耗此以見公謀之經久也縣西北隅舊有帳院蓋鄉史團集里書之所歲久崩壞每遇霖潦則東席就燥以避沾濕舉邑是病公完葺增新復建修廊以達於都門雨有依暑有陰此以見公情之恤下也公帑摧敗上漏下濕周垣雖設局不爲固公乃擇堅以革枯遷宏而化陋厚厥垣嚴厥闕此以見公志之防閑也縣之圍扉頽危莫甚繫者脫走是務且糞壤狼穢戾其矜恤之意乃剗積弊滌宿汙席以潔其榻食以茹其餒此公之處心慮物也太學博士邱光庭請言於弘農楊夔由是採石勒之乾寧丙辰春記

吳興寧故集

宋大中祥符間縣令薛耀卿重修元至正十二年燬於兵十三

年達魯花赤元納古亦重建廳事兩廊前置譙樓中置戒石亭
廳後建小亭爲退食之所

宏治湖州府志

趙肅重建烏程縣治碑記略烏程爲吳興郡附郭邑戶踰十
萬號壯縣縣治舊在郡治西國朝因之至正十年冬儒林郎
達魯花赤古侯來蒞茲邑明年江省行省平章政事光祿公
進征准西檄侯爲供給官又明年九月縣治燬於寇歲且盡
侯畢事歸縣市甘傭工計置有方不期月而正治已建賓幕
吏舍重門狎獄以次而作經始於至正十三年二月一日至
二十有八日落成侯字承道系出蒙古答答兒歹人氏山胄
監釋褐授安陸府判官再調今職

康熙烏程縣志

明洪武元年知縣危止增建後廳前爲軒二年增置縣舍於廳
後六年建架閣庫於廳東永樂二年知縣鄭子真重建譙樓四
年知縣李信創樓三間於廳後今廢景泰初知縣朱彬重修

成化

湖州府志

正德十三年知縣陶益修嘉靖三十六年知縣蔣宏德重修

其

湖州府志

唐樞記略烏程東南望邑其廳事歲以敝腐壬子寇熾日供輪不暇給吏雖能者避興作小溪蔣侯蒞止丙辰士民亟以請丁巳夏遂撤而新之不五越月畢費若干不科民一鑑古之遺法也

同上

萬歷三十八年正衙燬知縣曾紹芳重建

乾隆湖州府志

紹芳自記略烏程縣正衙規制湫隘開淺且歲遞更厥材漸蠹往者以爲此傳舍無事更張迄於今大壞予自戊申四月下車慨然有鼎建之思時方拮据荒政無暇及也至庚戌四月鬱攸小警燬中堂之半於是庀材鳩工肇於四月之念五日竣於七月之十三日方位悉仍舊址而疏越洞朗過之自

衙廳後除地可丈許爲前天井稍後墜四十楹封以兩垣中
爲堂左右爲臥室堂稍後餘三楹分之爲小側廂右爲兩
小臥房倒座後聯以長軒踞舊樓地可七尺許除爲後天井
其西爲內小廚堂之東西俱有隙地構比屋西地稍餘爲八
所東儉其一外廚仍其舊計費二百金有奇半爲節省所餘
其半則設處與俸贖也工成而與民無擾後之爰處者盍少
置念焉同上

本朝康熙十四年知縣高必騰重建廳事曰懷保堂後爲軒爲後
堂堂東西各有庫今止有廳東爲鹽廩今前爲甬道中爲戒石
亭東西序爲六房乾隆二年知縣羅懷建

上諭碑坊即我石前爲儀門雍正七年知縣薛景珪建門內西爲監房捕快房
門外東爲皂隸房前爲寅賓館西爲廊設櫃檯收舊有兩廡今止又
前爲縣門右爲申明亭左爲旌善亭二亭雍正十二年羅懷建

案舊志縣治大門外南面有昇題曰冠冕一路萬歷四十七年知縣曾國正以縣前地隘捐俸買民房開建兩旁築牆併建道德書帶二坊南有觀民亭知縣繼經正建又治內書有勸書樓宋有手詔亭公生明軒製錦堂桃露亭松桂亭清惠亭今俱廢

縣內東圃有相國池

詳山川

久塞宏治中知縣張昊重開建亭

即

亭故址東

亭見古蹟

今亭廢

舊志萬歷四十五年知縣曾國正建三同平

天啓五年知縣馬思

此修今併廢

本朝雍正十二年知縣羅懷更建焚閣於池北閣前建清華亭

并作因利堂於池西

戴珊相國池亭記宏治十一年戊午天長張昊朝元爲邑烏程政舉既孚乃考圖經詢故實知有相國池歷世滋遠漫不知其處一日縱步後園有龜盈尺游於東渠衆曰前此無有意者神物乎朝元命蓄之既而刷於渠側有石砌長且完好半業於民計其直買焉以鑿以疏水泉勃湧宛然古池廣三丈有奇袤五丈有奇稍加葺理而相國池一旦復出龜之開

先蓋徵於此自是植荷於池而構亭池北且屹石坊於池南
士夫聞者羣詣登眺紀勝之作聯爲巨軸始朝元爲庠生嘗
夢憩一池亭俄有貴人擁衆起水中儀觀偉甚款語亭內問
之知爲李昇蓋餘廿載而後驗昇與紳音近而事又合可謂
奇矣池經始於戊午八月成於己未十月庚申八月立石

湖川府志

羅懷素峯閣記予性癖嗜山顧占籍揚土未得屑躋疊嶂之
觀蘆隔江遠邇迷離入望而已雍正九年筮仕得浙之烏程
令竊自喜獲宰山水縣下車以後案牘塵積不復知岩姿黛
色爲何物踰三年政稍以通民稍以和邑務久弛者稍以集
乃得選暇步於署之東園園有方池湛然澄碧唐宰相李紳
舊迹也池北有亭已廢乃卽其故址構閣一層棟斲而已不
加丹牆圻而已不加聖爨以遽條架以采椽昭儉也洞八窗

以展眺則繞郭之山皆若褰帷欲就予者蓋是閣也南有道場金蓋何鮑車蓋諸峯西則仁王鳳翅棲賢北則高弁蒼蒼爲羣峯雄長東則崑山一點戀人看曉其他岡嶺起伏不可勝數公退之暇或憑檻獨坐或攜賓宴遊而朝烟夕嵐之變幻獻巧爭媚目不服給因自笑曰予之於峯可謂婪矣所謂取之無禁用之不竭者庶可以償我生平之癖嗜乎抑亦結習未除貪心未滌將貽有道之譏乎昔宋郡丞汪泰亭嘗作愛山臺於郡治之後因竊取其義顏曰婪峯閣前上馬九沙太史以八分書之閣前遠池古栢成列蒼翠可玩乃建小亭曰清華亭取水木湛清華句也亭旁峙奇石一瑩白如玉玲瓏嵌空爲僚友武康令李君徵熊所贈閣後舊有太湖石數具什荒蔓中亦拂拭而植之閣左右則古梅崇桃柔桑脩竹參錯掩映是皆我所婪之餘也因書此以貽將來王元之

竹樓記云後之人嗣而葺之庶斯樓之不朽也吾於茲閣亦云

又因利堂記烏程訟獄繁多赭衣常至數十歲冬禦寒無具心甚閔焉欲人給一絮而苦於力薄且恐後無以繼署後有隙地數十弓樹桑飼蠶歲入足給絮衣之費因其利以成其事用以名吾堂并勸來者繼焉雍正十有二年十一月長至日記

縣丞署在縣廳東

成化湖州府志唐時尉功倉廳咸通以來爲主簿廳後置丞始爲丞廳元于縣內同署明洪武二年置丞舍于縣廳東偏

主簿署在縣廳東丞廳後

崇正烏程縣志宋主簿廳舊在丞廳紹興中廣普寧院後在浮玉亭元移在縣署內明洪武二年置主簿舍于縣廳西偏

典史署在縣廳西

宏治湖州府志尉廳唐尉功倉廳即丞廳也後移定安門外靖康初徙入門內紹興初復舊元於縣內同署明洪武元年徙典

史帳於縣西二年
置典史舍於縣東

案舊志典史署西有觀德廳天啟三年知縣馬思理建題
曰澤宮遺意後額曰豐園集操民壯校射其中夜刑用以

防衛庫
藏今廢

大錢巡檢司在縣東北十五里

（成化）湖州府志即元大錢湖口寨洪武二年革寨置（崇正）
烏程縣志大錢河泊所洪武十二年置今廢改為常平倉

後潘村巡檢司今移在南潯鎮

（崇正）烏程縣志司在縣東五十里即元舊址洪武三年復置近
居南潯稅課局元設巡檢司四烏鎮永新後潘長樂今更

二為

案舊志有官澤稅課局即元官澤稅務洪武二年改為南
潯館驛十年革十八年置為稅課局今廢又有察院行臺
在縣學東門前激揚貞肅二坊布政分司在察院東北明
隆慶元年改為按察分司督儲館在府治西理刑館在察
院後今俱廢

教諭署訓導署見學校

附

捕同知署舊在府治東偏明嘉靖十九年因郡人原任副使施
儒奏請分立縣治朝議設通判行署於烏鎮普靜寺之東烏將
軍廟之西以備巡查鹽盜

乾隆湖州府志

施儒請分立縣治疏略烏鎮地僻人稠商賈四集烏程歸安
桐鄉秀水崇德吳江六縣四衝八達之地比年鹽徒出沒盜
賊猖獗白晝殺人肆無忌憚官亦嘗禁捕兇徒各立黨與分
聚窟穴彼迫此遁互相拒奪官兵限於越界之禁竟莫誰何
緣歸烏等縣俱與本鎮相去百里遠難控制臣生長茲土覩
此狼狽夙夜經心欲求寧謐必期立縣治庶事權歸一民有
依庇又訪諸耆儒居民俱各稱便皆曰立縣治則有普靜廣
福慈雲等廢寺立儒學則有密印寶閣東塔等寺立倉場則
有北利濟等寺搬移工食居民願辦何費于官何害于民臣
思立大事以人爲本今人心悅服事必有濟有議設巡檢司

巡捕通判以鎮者見今東有爛溪巡司北有後潘巡司南有
皂林巡司西有璉市巡司各與本鎮不遠盜賊略無顧忌又
福建南詔地方曾設捕盜通判并千戶所賊發竟不能支後
設縣遂寧謐且本鎮地厚土沃風氣凝結居民不下四五千
家宛然城府氣象似乎有待開荆者伏乞聖明畱神採納志

沈應龍湖州府添設督捕館碑記略荅城東南九十里曰烏
鎮土沃人稠爲浙西殷庶之區乃疆理輻輳控制靡一而惡
少逋匿鹽販出沒狙詐剽掠居民恐恐焉無一夕之安憲副
西亭施公謀割各縣十之一創立一縣具疏於庭監司議添
設府判坐鎮於茲歲辛丑西林張公守吾郡按部至鎮得普
靜寺左隙地開帑鳩工前建譙樓下爲大門次儀門門前左
爲右獄中公堂次後堂後衙廳重樓樓前左右側室

牆固不備具越四載別駕孔山周公來鎮卽其舊而加飾焉
於是廨宇一新公謂予鎮人也屬爲記西林公名鐸壺關人
孔山公名宏範廣信永豐人

同上

嘉靖三十六年燬於賊四十四年通判仝社重修隆慶二年衙
門裁革萬歷三年燬正堂叅政朱炳如建議巡撫謝鵬舉巡按
蕭廩會疏請設同知欽給巡鹽捕盜同知關防高安羅斗增置
儀門東土地祠賓賓館前建巡捕廳屏牆外東置耀德樓西置
振武樓潮陽呂文舉嫌衙門逼近浮屠自頭門至川堂稍移而
南今額浙直分署呈上行下止稱添設館云

同上

謝鵬舉蕭廩會疏案照烏程縣申據烏鎮里老沈得安等呈
稱本鎮離府最近居民萬家又爲烏程巨鎮但西南接歸安
號稱隔縣東南接嘉興桐鄉號稱隔府東北接直隸吳江縣
號稱隔省河港縱橫隔屬錯雜鹽徒盜賊東捕西竄先年鄉

宦施儒奏設縣治不果定議添設捕盜通判常川駐劄嘉靖三十八年鄉宦沈侍郎等又申前議以桐鄉吳江不肯割地中止前官不駐烏鎮實在府城自此指爲冗員奉議裁革別官帶管衙門倒塌法網既疎兇徒漸肆誠恐勾引繁滋漸成負固共圖善後之策乞復添設館等因看得烏鎮河港四通界連六縣盜賊潛伏兩成蠹孽白包巾流毒最慘潘榜等夥黨幾成弭盜之術誠不可緩先年原設通判駐劄但通判多有差委必改選同知使不混於差委之列又事權不一勢亦難行烏程固爲本府所屬其餘崇德吳江各縣必須盡聽約束庶威令不阻於鄰封既經司道會議相同伏乞勅下改選同知常川駐劄遇有盜命重情就近緝拿其關係各府各縣者俱許提解若有阻撓許申臣等叅治則官有定員事有專責善特以無恐地方永保無虞矣

董份浙直分署碑烏青鎮地大如斗而分隸兩省三郡六縣
令甲諸有逮者踰界勿攝而鎮旣離隸跬步卽踰諸逋逃如
刺蜚莫能逮以是俗益抗傲民尤疾苦嘗設別駕多檄委無
寧居會署燬別駕革焉久之涵山城起涵山鎮之密壤賊潘
榜禽而徐龍起徐逸而周道士起於是中丞謝公侍御蕭公
諸改設郡貳疏上報可因特給關防俾轄諸縣稟約束焉而
羅侯自道州轉湖郡貳至則因舊署而經畫署旁繚垣夾以
委巷巷有更柝有警舖而垣後演武堂有重廡有官舍附署
有兵百五十船十二向徒具文乃令召募土著人皆勝戈因
日坐演武堂援枹鼓出帑金懸賞格由是周道士數窺兵強
不敢犯遠跡至海濱縛之然周縛而盛賊起劫掠無常遠近
震恐侯乃密遣兩卒授以祕計斬賊太湖斯舉也兵不移壘
不血鋒而銷無窮之隱憂絕方萌之禍本鎮自是化爲樂土

而署遂稱名區矣 泌園集

本朝順治四年奉例裁康熙元年分守道張武烈疏請復設十八

九年間因公署圯仍回郡城 乾隆湖州府志

雍正四年巡撫李衛復請移駐烏鎮以資彈壓六年復設駐劄衙

門

鹽漕水利湖捕通判署舊在府治西明嘉靖五年通判胡淪建

本朝乾隆八年浙江巡撫常安疏請移駐南潯卽潘尙智官房改

建

巡撫常安請通判移駐南潯疏太湖潯水汪洋支港紛雜實

爲盜賊淵藪臣查湖州府所屬南潯鎮與江省接壤地處湖

濱烟火萬家商賈雲集易藏奸匪向設巡檢不足以資彈壓

請將湖州府城駐劄之通判移駐書役人等俱照本官原設

除其衙門事務循舊管理外其太湖水面按照兩省地方

與江南太湖同知分界管轄各縣編烙船隻姓名造冊申送
通判以憑查對并令每歲督催清釐倘失事疎防應將通判
與專汛官一體叅處每月駕船遊巡并將會哨緣由分報道
府查考以杜規避所需衙署現有潘尙智入官房屋應撥出
正房三進東側房三進改爲通判衙署添建牆垣披柵木橋
至入湖巡緝應添造唬快船二隻駕船水手十五名巡湖民
壯十名查通判衙門向有鹽快十五名快手八名皂隸十二
名今各州縣緝私有府縣鹽捕哨兵足敷差遣請於通判鹽
快內撥出十名充巡湖民壯又於快手內抽撥二名皂隸內
抽撥四名充補水手尙少九名有烏程長興二縣從前撥協
江省之民壯四名應行掣回畱克又從前烏青鎮同知衙門
原設巡鹽哨兵二十八名因缺奉裁分派安吉等七州縣今
應抽撥五名以足水手之數所有工食按季解給毋庸添設

至通判關防請鑄給以昭信守庶平行分任呼應較靈用以
弭盜安民大有裨益乾隆九年三月三日奉

旨依議

便民倉在定安門內西岸

集正鳥程縣志宣德十年侍郎周忱奏立十聯一百四十間嘉靖九年知縣戴嘉猷重建萬歷四十六年知縣會國正建版六十七聯共二百五十間每間容五百石

案舊志有大有倉本名豫儲倉在儀門內嘉靖九年知縣戴嘉猷建其地偏狹置縣事李達移縣衙後今虛其屋省併便民倉又萬歷二十年建常平倉四所東倉在驢村南倉在烏鎮西倉在妙喜村北倉在大錢鎮每倉貯穀三十石又鄉都預備倉一在黃墅一在後林一在祐村一在後潘洪武二十三年置俱久廢

茗溪驛舊在定安門外明嘉靖三十一年移門內

本朝康熙十八年裁併烏程縣

育嬰堂在縣治南百步清源門內乾隆四年知縣羅縈捐俸創建

邑人朱廷柱施田八十畝徐宏達暨子祖彬施田三十畝以資

永久

羅懷育嬰堂記大生廣生若吳之至德也惠鮮懷保王政之至仁也周禮遺人掌門閭之委積以養老孤全幼之道由來尙矣湖郡介蘇杭間地僻民稠貧家誕育子女慮其生之而終見其死於饑凍也無覺使之弗生於是沈溺委棄者往往有之育嬰堂所爲創也嘗考舊志宋隆興三年湖大饑有生子不舉棄道路者郡守鄭作肅令屬官尋收擇乳母爲保養月給米一石贍之委請學官專蒞條其事目刻石州學又宋史袁甫傳云甫通判湖州常核隱產以增附嬰兒局是有嬰之政宋時湖州固曾行之國家愛育黎元重熙累洽康熙四十六年副都御史周公清原疏請天下郡縣各立育嬰堂一所奉 旨允行易溝壑以襁褓化殤折爲卵翼所以體天道而廣 皇仁者至矣於時邑紳程翁蔭善買地泮官舖以

建堂宇又置屋於清華舖以棲乳嫗繼以費用艱乏乳僱不給前令王君懋訥改爲育嬰堂凡收得孩稚移送蘇州仍俾程翁司其事每歲全活無算已而程翁家漸貧此事遂寢堂與屋亦隨圯雍正庚戌邑紳汪農部亮采復舉行之委其友孫君文揆董事然載送吳門跋涉二百里終非久遠之策余嘗默思而熟計之乾隆三年適奉憲檄令屬邑修建育嬰堂以廣好生余因捐俸二百四十兩買署南百步水西門內張氏廢宅一區以爲堂基越明年七月始克鳩工庀材於是邑人職監宋君廷柱首施田地蕩屋共八十畝候選教諭徐君宏達又捐助圩田三十畝以爲僱倩乳嫗資而一時施錫以佐工役陶埴費者踵復相接益以見湖民之急工而好義也余蒞官程邑已閱九稔慙無惠澤及民惟此合郡福田事而余得創厥始而觀厥成是烏可無述歟堂背北面南前臨茗

溪中爲廳事爲後廳爲內廳左側前後俱平屋一間中亘絲
 房一十四又左則臨東巷右爲西巷後則周以綠垣垣之外
 爲民居及北街也嗣今以往將敦擇賢士大夫主持其出納
 且并籌所以善後之策焉爰樹石以紀其緣起如此時大清
 乾隆四年歲在己未穀旦堂基四畝八分宋廷柱助募字圩
 八分屋四間寓字三圩田四畝二分五釐地四分二釐
 屋二間寓字二圩田一畝五分五釐字五圩田五畝四分九毫
 地成田一畝七分三釐九毫地二畝七分五釐二毫隸字一
 圩田二畝二分五釐下與村地成田三畝一分五釐字圩田三
 畝九分五釐威字圩田二畝五分五釐字五圩田三畝八分
 七十一畝二分三釐屋九間約作九畝共成八十畝候選教
 諭徐宏達同子貢生徐祖彬捐助飽字五圩田三畝七毫烹
 字一圩田一畝烹字二圩田一畝八分隸字三圩田一十九
 畝七分簡字三圩田四畝
 五分共田三十畝七毫

留嬰堂在泮宮舖康熙四十六年郡紳程蔭善買地建一在南潯

鎮東柵雍正十一年知縣羅懷捐俸并勸諭合鎮士民建命生

監紀月峯張元燦董陳亮張世傑沈爾焯周繼等二十八人董

其事

養濟院在清華鋪向設房屋七間雍正八年知府唐紹祖捐造十間歸安知縣裴思芹捐造十間乾隆元年烏程知縣羅懷捐造十五間二年思芹又捐造十五間共房四十八間額設孤貧男額裁柴布口銀銀八百四十兩每名按季應給口銀銀一兩五分每名每歲共給銀四兩二錢乾隆三年奉文加增額外孤貧一十三名動支本年地丁耗羨銀二十三兩四錢每名按季銀四錢五分每名每歲共給銀一兩八錢以上奉文扣除小建給發

補遺

育嬰堂乾隆十年春郡守梁永福勸輸長興趙時夏郡人汪熙鈕宏獻於宗賢徐祖彬宋廷桂林高峻葉大德欽丹陵暨鹽當各商等捐貲添置本堂西民房二所改作乳房

學校

禮云建國君民教學爲先三代盛時誦弦徧於鄉塾誠以舒化自近揚文令而崇儒門不限夫大都小邑也湖學被安定先生餘教長俊和和官斯土者啓經義治事之齋而廣厲焉人才何遽不古若然則黌序之廢興關乎政要至鉅所層構而咨於故實敢闕其文哉志學校第七

烏程縣學在縣治東三十步宋崇寧中附於州學東偏池上後遷於東廊禮象閣下東序元至元三年縣丞宋文懿得丞廳故址創靈星門戟門兩廡禮殿明倫堂兩齋

或化湖州府志

程邨烏程新建儒學廟記略至元再紀元之三年湖州路烏程縣始有儒學廟其定宋文懿丞茲邑而建也國朝崇儒右文郡縣學皆設官籍弟子員而烏程獨無學丞始至進諸生而問狀咸曰附於郡庠有年矣於是相縣治東得丞廳故址

久爲織染局所有乃請於郡推官長沙何公貞立闢地拓基
爲屋四十楹前門洞開大殿中峙會講有堂肄業有齋宴息
有室莫不畢具郡人士相率捐田以備棗盛廩膳之供八月
上丁丞與邑之官僚賓佐入視盥滌陳器省牲達魯花赤完
近溥化縣尹鄭重主簿張炯典史楊恢各以班次序立殿下
具曰廟學旣成請因常祀工祝致告觀者豫喜旣餞獻酬百
禮用治麗牲之石旣斲旣堅乃登載底績告於神明

吳興藝文補

至正十二年燬於兵惟存禮殿十三年達魯花赤兀訥古赤建
尊經閣於殿後以閣下爲明倫堂旁置二齋洪武初主簿鄭耕
岩知縣孫宏敞相繼建兩廡新其東齋曰樂育西齋曰養正左
躬會饌堂右朔三友軒爲學官休息之所置兩序爲諸生寢室
闢地東偏爲射圃建射堂正統二年教諭建明倫堂於閣前十
四年知縣宋彬伐石爲靈星門景泰二年鑿泮池堊橋成化十

四年知縣魏琮以學舍逼臨縣治擇泰定倉舊址遷學建文廟并明倫堂易樂育養正齋爲經義治事以舊明倫堂爲會膳堂構教諭訓導衙十九年始就

宏治朔州府志

陳音記烏程舊廟學依於邑東地狹而制陋吏因循弗飭傾圯日甚成化丁酉魏侯始下車謁廟周視有志作新明年爰始經營初邑東百武許有泰定倉儲闔郡歲賦後以漕輸遠艱移置水次而虛其故地廣三十畝有奇侯具疏請以建廟學而舊學爲豫賑倉舊廟爲縣城隍祠報可官帑歲積賦贏有白金十五鎰請於巡撫王公恕爲先需復節省調度以續之首正方位繚以周垣東爲廟西爲學明倫堂翼以兩齋齋下爲列舍堂西爲膳堂後爲庖庫又後爲師儒燕室始事於庚子六月至辛丑十月落成先是邑有唐顏魯公宋曹孝子二祠僻遠不治徙依廟學之左學成之年庠生王濟登進士

諸生成以爲候徙學得所之徵功不可泯請紀其事於石

烏程縣志

宏治二年知縣張曰瑚徙學門於西偏四年知府王珣重修移學門於中街口立儒林坊正德十一年知縣陶益復加增葺

崇正馬程縣志

李晏烏程儒學修建記略烏程有學舊矣成化戊戌知縣魏琮始遷爲今學規模麓備而去任廟學日就隳圯郡守王公德潤修之增塑聖賢像徙學門於中街街末臨苕溪舊爲居民所踰買闢其地立雲路天池二坊經始於宏治辛亥十月十二月而訖工

乾隆湖州府志

趙璜烏程縣大新學宮碑記烏程廟學成化中徙泰定倉址其地東下西高廟極卑隘齋近闕闕不足妥聖靈振士氣正德甲戌西蜀銅梁陶君來令茲邑白撫按司府撤其舊而新

之左爲大成殿增以重簷右爲明倫堂增以附簷後爲尊經閣兩齋兩廡各若干間若池若橋若庫倉若庖湍若解宇號舍莫不備於其舊經始乙亥六月成於丙子七月丁丑夏郡守麻城劉君天和至補所未備約費當千金僅以四百二十金而足陶君與前守呂君盛通判錢祿教諭段瑞又各捐俸助之而教諭鍾繪訓導楊沂黃敏才後先咸致力焉崇正烏程縣志嘉靖四年知縣鄧紳移學門泮泮池九年知縣戴嘉猷開泮池前通文廟十三年知縣錢學建啟聖祠尊經閣創名宦鄉賢祠闢射圃二十五年通判張世賢知縣朱日藩建文廟及廟門櫺星門三十二年知縣張冕大修四十年知縣荆文照重修萬歷湖州志

萬歷十六年知縣楊應聘修三十四年知縣陳經正修四十七年知縣徐遵宗修天啓四年知縣馬思理修崇正五年知縣王

夢豬修九年知縣劉沂春修

本朝康熙十一年教諭龔瑛十四年教諭童楷捐俸修築週圍牆

垣康熙烏程縣志

文廟五間

康熙二十年知縣高必鵬重建二十三年領萬世師表廟雍正三年領生民未有廟乾隆五年領與天地參扁

東廡十間西廡十間

康熙二十年教諭許元濟建西廡後圯二十七年

知縣龔瑛

大成門三間前有泮池池有橋

門基久圯康熙十八年教諭沈從龍捐俸築二十一年知縣高

必鵬修橋泮池二十七年知府潘樵建開城河并泮池乾隆四年知縣龔瑛會修橋泮池并改建橋東土塘為石岸

儒星門三座

地知縣龔瑛重建

崇聖祠

在大成殿後久廢康熙十四年教諭童楷捐俸重建舊名政聖雍正

二年教諭龔瑛上諭追封先師五代增聖

文昌祠

在儀門東教諭許元濟建乾隆三

土地祠

在儀門西

名宦鄉賢忠義節孝祠並見祠祀

明倫堂

在縣一學前正統元年教諭嚴家改建康熙二十一年知縣高必勝修二十七年知府潘應龍重修雍正二年知縣陳

勛修乾隆四年訓導馮錫曾修

周忱為程縣為學新建明倫堂碑記郡縣學官之制必有論

堂居禮殿後之曰明倫湖屬為程學自宋建有禮殿而無論

堂宣德八年秋教諭江嚴君始至度地於閣之後築其方

廣計可移閣於後易其故址以為堂基首探已棄市材以為

倡後三年上人王興宗金孟庸各以資助遂召匠而經營之

閣既遷矣乃築土於故址增崇三尺而構堂其上後復為穿

堂以達於閣嚴君躬督其役妻孥執爨以食工匠郡邑長貳

及里巷之人咸相扶助越四月告成

乾隆湖州府志

居仁齋三間由義齋三間號舍各十間

在堂東西同尊經閣建

儀門

在明倫堂前

庫房

在後門內雍正十年知縣羅某建

射圃

在後門內牛馬居乾隆五年拓

木坊

在洋池上本石坊雍正二年知縣陳

尊經閣五間

在堂後久廢乾隆六年

敬一亭

在閣前久廢乾隆六年同開建

教諭衙

在明倫堂西

訓導衙

在教諭衙西乾隆元年

學三間屏牆一座

石坊二座

在大街東口斯文在蘇西曰美七條

墓地

在大街東口斯文在蘇西曰美七條

學租銀

一百四十錢五分四釐每年照數

祭器

存大鐵爐一對大鐵燭臺一對大鐵花瓶一對

燭座

銅爵二十八知縣吳承芳捐置銅燭臺一對

杯一百三十	牲俎架三	牲盤二十
-------	------	------

四十六
燈鼓一
千二
舞杆
笛翟
二千四
副

書 晉先賢叢書 樂考 一冊
書 宋官儀物撮要 一冊
書 明台律諸卷 一冊
書 清學政金書 三冊

聖諭廣訓一冊
聖訓上典謨一冊
聖訓下典謨一冊
萬言諭一冊
各教罪人書二冊
青海碑文一道

聖諭十六條一冊
訓飭州縣見一條一冊
勸民實言一冊
抄錄訓飭士子文一冊

欽定四庫全書

春秋傳說十部
性理精義十部
明史一部
朱子全書十部

學費	教諭俸	每年四十兩	訓導同	廩生	二十名	每名三兩一錢
費	學士俸	每年六十兩	學士	二十名	每名二兩	每兩

共給銀四兩六錢三分三厘
計銀四兩一錢一分三厘
以土生本銀額治文

[illegible]

二兩每年共給銀三十六兩遇閏

加一兩以俱在木則會

改

案傳志有社學七所一在西市界縣學西南一在縣治東

一在南門外一在舊館一在後林一在馬要一在烏鎮一

在南門外俱廢又有保滋

書院在射圃南今亦廢

文昌閣

在學門外察院故址乾隆九年知

縣羅藻建高三丈五尺周遭六丈

羅縹文昌閣記文昌之名見於史記天官書斗魁戴匡六星

爲文昌其六曰司祿而武陵太守星傳則又以司祿爲三台

之一意者吉曜所臨實能樞管文運而生人之祿位亦復憑

依於是乎自道家者流搏土爲象築室爲宮崇而祀焉號曰

帝君以爲士之學文千祿者窮通得失帝君可以進退其柄

雖其說近誣然未必不本於史氏今天下學校往往有文昌

閣奉祠其神殆有取於道流之說尙不悖於儒者歟然閣之

建陰陽家又持此以占地形察衰旺蓋有厭勝之術焉夫亦

以帝君之明靈佑我邇士而降其堂構休祥固且立應也烏

茲州爲吾邑人文彬蔚予於政理之暇造士維勤爰舍內外

亦時有營葺其官牆東南隙地一區爲察院故址形家謂地
居巽峯文明所兆建文昌閣於高阜之巔則風氣會聚科名
將益以盛予心趨之乃捐俸締構堅基六楹重甍三層高三
丈五尺始事於乾隆八年十月訖工於九年五月飛甍浮柱
翼如宵如繼自今地靈協應邑之俊茂知必有振振郁郁接
迹而掇巍科者矣予旣慶偉兆於前期而深幸此邦人士之
不辜予厚望也乃爲記其事於石以詔來者

武備

湖州有素無兵火之說然而不可倖也其地北距太湖爲
逋逃之藪南與省會有輔車之形俾豫不虞其可忘戰乎
唐一菴云但立州兵毋致客調斯猶統同之論也建始思
終善因地利讀倪文節公所言思過半矣志武備第八

湖協城守營

經制額設副將一員中軍都司一員並駐府城左營都司僉書一員千

總二員把總三員內把總二員及外委右營都司僉書一員守

備一員千總二員把總四員左兩營存城馬步戰守兵四百

七十六名快船一十三隻

左營分防歸安德清二縣各汛右營除防守長興武康二縣
各汛外

分防烏程馬要汛右營千總一員步戰守兵二十名快船

一隻

分防烏程烏鎮汛右營把總一員步戰守兵二十四名快巡

船一隻

分防烏程南潯各汛右營把總一員協防外委把總一員馬

步戰守兵五十八名快船六隻

分防烏程崑山妙喜汛兼顧郡城千總一員協防外委千總

一員馬步戰守兵一十六名快巡船一隻

現存行營砲二

安設府城東南二門

淨瓶砲二位

安設府城西北二門

蕩寇砲

百桿

內安設府城各門五十餘分防各縣

太湖營

管轄各營

經制額設遊擊一員

駐劄江南蘇州吳縣角頭地方

千總一員把總一員

外守備一員千

一員把總二員

康熙二十一年改歸江南管轄雍正二年十月

一員為吳縣角頭地方守備

一員改防浙江湖州府烏程縣大錢地方把總

一員改防江南蘇州府吳縣西山地方把總

添設守備一員

雍正五年十月為詳請設備添兵等事新設

外委千總一員

雍正五年十月

設

外委把總三員

雍正五年十月

原額江浙戰守兵丁共一千

名

內陸續裁減康熙三十五年實存江浙戰守兵丁八百六十

四百二十五名五年十一月為詳請設備添兵等事新設戰守兵丁

二百三十五名七年十月為詳請設備添兵等事新設戰守兵丁

馬職兵四名蘇州府吳縣西山地方把總

二隻

雍正八年十一月奉文將沙湖

本營除防守江南蘇州府吳縣西山汛及江浙湖州府長興

縣夾浦汛外

分防烏程縣大錢地方

兼防蔡湖小梅高橋楊湖

守備一員

外委千總一員戰守兵丁共一百九十七名沙快船九隻

分防烏程縣伍浦地方

兼防新厓港元通橋楊湖等六汛千總一員

外委把總一員戰守兵丁六十九名快巡船九隻

現存行營砲三位

安設大錢
汛砲臺

劈山砲十位

內安設汛口八
位砲臺二位

百子砲三十二位

俱配沙
號船

雍正六年四月浙江總督管理巡撫李衛請設備添兵疏略
浙江太湖遶濶八百餘里交衝兩省界連八邑山湖錯雜最
易藏奸匪防範嚴密難免商民疎失之虞今浙江止存遊擊
一員千總一員把總二員兵四百二十五名分防陸路二十
八汛配駕巡船一十六隻在在兵單實屬顧彼失此擬添兵
二百三十五名連原額兵丁合計六百六十名始足分防要
汛配搭巡船請於太平縣所屬之金清港洋嶼汛二處歸之
太平營就近管轄以太平營所屬之千嶺汛額設輪防之把
總一員兵八十八名敬防金清港內撥百總一名目兵二十
五名防守洋嶼汛再撥江下汛兵二十名分防千嶺將台協

防守金清洋嶼二汛之兵丁撥一百四十五名又於衛協存城額兵內撥出九十名合共二百三十五名添入太湖營則袁多益寡庶得實用其湖內地方原係兩省交會遇有警息仍令該遊擊協同江南將備實力搜勦倘有彼此岐視互相推諉者立即題參照不應窮追例嚴加議處又太湖營既議添兵則一營之兵馬錢糧必須中軍守備爲之綜理且大錢汛口爲浙省咽喉要道原駐之守備既調歸江省應請添設守備一員以資彈壓其守備員缺聽部銓補湖內遇有警息仍照舊制令該備隨本營遊擊會同江南將備協力搜勦務期湖干寧謐盜賊潛消

雍正七年三月浙江總督李衛疏畧該臣看得湖協額設哨船三十隻准部咨發條奏以湖地情形港窄橋低汛多船少議於修造時少變其制將船改小每船約省工料又可多造

小船分配各汛以資巡緝等因請

旨交臣詳確查議今查湖協額設快船三十隻原係身長三丈九尺板船重疊稍蓬尾大如遇支河小港橋梁低窄之處勢難駕馭巡緝議將二十隻減去七尺改爲三丈二尺長巡船卽將二十隻節省改小之費添造二丈餘尺長之小巡船二十隻卽或工價稍有不敷增補亦是無多仍留額設原船十隻計共五十隻照依原定金字編號分派大小各汛巡查甚爲有益應於來歲屆當小修之期給以大修之價更改拆造以副巡防再太湖沙船八隻原係身長七丈在湖面波浪之中乘風迅駛實爲得力一至沿湖漫漶橋低港窄無風難以動搖議留沙船六隻爲湖中大汛巡防以沙船二隻拆造之費量增改造二丈四五尺快船二十隻酌量分防俾太湖邊之通達支河雜港向無設立巡船之一十九汛均得各派小

船分防巡哨則是費不加多而船可足用又靈捷便駛易於
哨巡以資汛防相應具題兵部以應如所請覆奉

旨依議

乾隆七年 月閩浙總督那蘇圖請改隸營汛疏略浙江太
湖營遊擊管轄洋面四百餘里汶港繁多地方遼濶巡緝宜
嚴該營向隸提標管轄相沿已久但太湖營與提督駐札之
寧波相距五百餘里中間錢塘曹娥兩江風濤無定不能計
日而至設遇緊急要務呼應甚難查湖協副將駐札湖州與
太湖營相隔僅數十里兩營汛防地面又屬界址毗連請將
太湖營改隸附近之湖協副將專管仍歸提督統轄則唇齒
相依緩急易於呼應稽察更易周詳矣十二月十七日奉

旨允行

（鍾鼎堂雜志）雷川自唐末五代以來不經兵火此井天幸蓋
其地險可守者三十不啻孔道非必爭之地一也陂澤彌望

塗泥沮洳舟車皆阻二也環城無駐足之地雖下集難施砲
架難用綽路馬難推驚車利子雲梯之屬三也城外居民屋
宇不過數十家臨時折毀容易四也地薄數尺即水不可穿
穴地道五也塘路多有水港間斷六也陸行不可並馬七也
城土非沙難積八也舟楫輕捷人人能沒水九也油泥可用
泥濘塘路及近城去處一二尺乾土以油泥實之油泥厚尺
許非一兩月不乾實馬與人踐踏無不蹶陷十也釘椿犬牙
相錯多下陷椿舟載稍重則爲陷椿所礙舟稍大則不能入
椿進退不可十一也焚葑堆積以覆陷弄誘之陷沒放水浸
田使不可行十二也城中多大家有資力可召募羣不逞羣
不逞爲官收拾既可免傷癸又多趨勇可用十三也去山遠
無以高臨下之勢十四也水流不湍淺不可引以灌城十五
也虜賊正兵不敢來不過偏師到此已是冬末春初不能久
留十六也兩溪注灌無渴乏之患十七也家家近水火攻易
救十八也西南北水面源頭門久氣不壅鬱不致生病十九
九也有魚蝦螺蚌菰菱芡此萬根可以助食二十也大凡守
城先須遠守城外險處南門陸路當守何山嶺水路當守衛
山東門當守舊館昇山水路當守河口昆山清塘門西門當
守江寧仁玉山路水路當守永壽北門水路當守大錢等處
險不能拒然後退而守城盡拆橋梁葦去石若不棄去敵作
砲用環城以港皆施塔陸路當掘坑用油泥裝葑葑施鐵蒺
藜苦竹鎗使之川陸無路舟馬皆不可進城先之以守遠險
次之以守近險然後守城是三重城也又守處在遠城中少
驚恐人心自安敵至則又當掩之或劫其大頭或夜切其塞
或放火或決水或出奇兵于其後及其左右近城村落囑不
抄掠亦難不過一月乏食遁矣然後尾而襲之常遠而勿和

自然附屬如此非惟可保性命亦可收力矣然必人心一
部分定四隅分四部即各若干人以若干人在中為救應號
令明斥候遠賞罰信權用于一勿有二三莽慮驚禁妄言禁
喧笑主謀者不快畏處之恬然移城破陷可巷戰死國也若
其積恨積薪及守城器具自有常法不必詳述至于臨時機
變隨幾而應又難預言或用之耳吾能以富庶之名虜盜所垂涎
決不可守是在我因而用之耳吾利可獨有囊土一事難禦故
禮賞以待功能則富庶反為吾利可獨有囊土一事難禦故
若以布帛載來須多方以覆其船使不得近城更講究近城
堆積時何術可發官問智者